

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Agens De Rebvs Ecclesiæ Sacris, & profanis, earumque usu, acquisitione,
conservatione, & alienatione

Strein, Johann

Coloniæ Agrippinæ, 1658

§. 2. De pactis in specie.

[urn:nbn:de:hbz:466:1-61834](https://nbn-resolving.de/urn:nbn:de:hbz:466:1-61834)

V Vesenbec. ff. l. 18. tt. 1. in rebus Ecclesiæ tam
men acquirendis neglecta traditione so-
la & nuda promissio sufficit. l. ut inter C.
de Sacro. Eccles. Bartol. videm. Præterea si
contingat, rem aliquam vendi Ecclesiæ,
& postmodum alteri alicui tradi, non ha-
bebitur hujus traditionis ratio, sed
Ecclesiæ simpliciter adjudicabitur. Idem
dices de quibuslibet donationibus ac piis
legatis. In his enim sola acceptatio ad do-
minum acquirendum sufficit. Felinus in
c. Ecclesiæ S. Marie de Confit. A. 7. or. III. l. 1.
c. 6. Lefsius c. 3. D. 3. & c. 18. D. 6. n. 36 item c.
21. Dub. 20 num. 141. Molin tract. 2. Disp. 3.
Eadem ratio de beneficiis Ecclesiasticis
est, quorum collatio ante omnem accep-
tationem jus tribuit etiam absenti, quod
postmodum per acceptationem perfici-
tur. c. sitibi absenti de præb. in 6. Unde fit,
ut Episcopus re integrâ, antequam ac-
ceptetur beneficium, alteri conferre
non possit, sed expectare debeat, donec
conferetur acceptare nolle, illum cui facta
collatio est. V. Covarr. l. 3. Variar. c. 16. Sanc.
de Matrim. l. 1. D. 7. nu. 20 & l. 3. D. 36. Val-
lens de benef. l. 1. c. 6. Barb. in cap. 17. Sitibi
absenti de ben. in 6. San. hez. l. 2. Confil. c. 2.
D. 3. & in c. quodam de Cler. agrot. in 6. Gon-
zalez ad Reg. & Cancel. Gloss. 15. Amplia 1.
ut idem privilegium conveniat, aliis piis
locis, & civitatibus, quibus rerum dona-
tarum, vel emptarum dominium ante
traditionem acquiritur 2. Si alicui dona-
tio facta sit sub modò, seu conditione, ut
donatori alimenta præstentur, conditio-
nem verò non impletat donatarius, rei
donatæ dominium absque traditione re-
dit ad donantem. 3. dominium rei legatæ
tempore mortis testatoris fictione juris
in legatarium transit, ita ut fructus ex eo

tempore eidem debeantur; præsertim, si
ad pias causas ordinata sit. l. si tibi homo ff.
de legat 1. l. à Titio ff. de f. art. Gloss. ibi Fern.
Vasq l. 2. Controv. illustr. c. 55. n. 27. Fachina
l. 1. c. 94. § sexto.

§. II.

De Pactis in Specie.

I. PACTUM SPECIFICÈ SUMPTUM. quate-
nus à transactiōne, & contrac̄tib⁹
strictè acceptis tam nominatis, quam in-
nominatis distinguitur, est Conventio, quæ
super re certâ, & gratuitâ, id est, animo do-
nandi sit. Connatus l. 5. c. 8. num. 1. Quamvis
enim non repugnet non gratuitâ, sed ob
causam fieri, hoc tamen quasi accidenta-
rium censemur, quia per se, & ex naturâ
suâ gratuitum est: idque potissimum atten-
di debet. A. 7. or. l. 2. Summa Rubr. 3. V. Vesen-
bec. l. 2. tt 14. num. 3. E contra transactio-
nem fit ob causam, & de re incertâ
juxta Versic.

Incertâ de re transactio dicitur esse,

Sed sunt certæ pacta favore rei.

V. Bald. & Decium in Rubr. de pact. Ostiens.
in Summ. eod. tit.

II. DIVISIONES §. præc. allatæ ferè om-
nes pactis in specie sumptis conveniunt,
cum non essentiales, sed accidentales sint.
1. Igitur alia sunt expressa, alia tacita. l. 2.
ff. hoc tit. 2. alia sunt realia, alia personalia,
prout circa rem, vel personam versantur
I. Iurisg. 7. pactorum hoc tit. In dubio pacta
omnia realia censentur. Iason. num. 1. &
DD in l. cit. Iurisg. Personalia bifariam ac-
cipiuntur 1. personale dicitur quod non
transit in aliam personam. l. si unus 27. hoc
tit. 2. quod quidem non transit ad hære-

Aaa 3 des,

§. II. DE PACTIS IN SPECIE.

des, sed tamen vivente eo, qui pepigit, in alium transire potest. *l. si tibi 18. hoc tit. 3.* alia sunt judicialia, alia extrajudicialia. Hæc actionem non pariunt, sed illa, quia in judiciis quasi contrahitur. *Bald. in l. Talipactum. 41. §. qui provocavit. Alias divisiones suppeditat Azor. loc. cit. 4.* denique quædam obligant, ab una saltem parte. Quædam obligationem tollunt, ideoque liberatoria vocantur, cujusmodi est acceptatio. Differunt, quod obligatoria non fiunt, nisi altera parte acceptante: liberatoria autem valent, non tantum præsenti facta, quamvis non acceptet, sed etiam absenti dummodi nomine ipsius alius acceptet, quia in ejusmodi commodis etiam tacens, & absens consentire censetur. *Iason & DD. in l. 7. sup. citata. Decius consil. 45. Cagnolus in Rubr. de pactis. Lugo Diff. 22. Sect. 3. num. 28. & 29. Vesenbecius l. 2. ff. tt. 14. num. 4. Iul. Clarus §. Donatio. quæst 14. Tiraquel. de nobilitate c. 6. Barb. in Reg. Iuris. qui tacet. & de Reg. Iur. in 6. num. 14. Corras. de Iure civil. part. 3. c. 8. Layman l. 3. tract. 4. c. 3. n. 1.*

III. Ex dictis colligi potest, quænam causæ ad constituendum pactum concurrent. Efficiens enim remota est lex gentium, aut civilis, aut prætoria *l. 5. 6. 7. hoc tit.* quæ ejusmodi contractum approbans validum, & efficacem reddit. Proxima v. consensus partium. *l. 1. §. pæn. h. tit.* Materialis res circa quas versatur conventionis, formalis animi motus, & consensio. Finalis denique justa conventionis causa, puta, respectus compensacionis, donationis, aut similis. *l. si convenerit 56. hoc tit.* Ubi notandum in pactis obligatoriis nunquam præsumi causam donationis, nisi exprimatur. *l. 2. §. circa ff. de*

de doli mali. exc. adeoque nullæ expressæ causa pactum nullius momenti est. In pactis vero liberatoriis, licet nulla causa exprimatur, conventio valet: præsumitur enim pro subjecta materia, & fine conventionis causam donationi subesse. *l. 1. de transfectionibus Cagnolus loc. cit.*

IV. De materia prætorum ulterius nosse oportet, eam latissimè patere. Omnes siquidem res, quæ in commercio serviant, complectitur. *l. si in emptione 34. §. Omnium de contrah. empt.* Sive præsentes sint, sive absentes, sive etiam futuri, dummodò non alienæ, sed propriæ sint *l. pactum 46. hoc tit.* neque juris publici, *l. Iura sanguinis de Re. Iur. VVesenbec. l. 1. ff. tt. 14. num. 6.* Usus præterea habet, ut pacientibus, vel transigentibus de cæde, aliove criminis publico à civili, & publica actione excludantur, non sublata per hoc tamen Magistratus auctoritate, qui vindicare possit. *Barto. in l. 1. §. usque ad eo de injuriis.* De injuriis autem, & futris etiam Jure civili pacisci licet. *l. si unus §. illud hoc tit.* quia crimina hæc non publica, sed privata sunt: ac proinde de illis inita pactio ipso jure actionem tollit. *Tholosan. l. 21. c. 4. Hartman. l. 2. tt. 49. obs. 5.*

V. Finalis causa, ut num. 3. indicatum, generatim loquendo est, ut donetur, aut remittatur aliquid. Nisi enim in conventione aliquid remittatur, nihil adum ut pactum jure civili est: quandoquidem non prodest pactio, nisi ad excipendum. Exceptio autem competere non potest nisi illi, cui aliquid remissum est, & cum quo agi potest. Exceptio enim actionis exclusio est. *l. 2. ff. de excep.* Quod si paciendo non remittere, sed novum jus

Jus constitueret velis, nihil commodi habetis, cum de eo jure non possis actionem instituere, quia id pactorum natura non patitur, ut supra diximus. Porro si ob causam fiat donatio, aut remissio (quod licere ex num. 1. constat) non idcirco definit esse liberalis, sed quasi a latere & per indirectum impellitur animus ad donandum ex tali causa, qui nihilominus solam ob liberalitatem facturus erat. Quemadmodum pluribus exponit VVesenbec. l.2 f.14 num.8.

VI. Jam quod effectus attinet, obligationem naturalem ex nudo pacto origini. l. num. 4. & 5. diximus, quod etiam Juris civilis auctoritate corroborat. VVesenbec. loc. cit. num. 9. lege 1. l. Iurisgent. 7. §. 1. hoc tit. l. legem 10. l. in bone fidei 13. C. eod. Quod vero ibidem diximus, actionem non dari sed exceptionem, Praetor olim supplevit editio suo, Pacta conventa & servabo, id est, tuebor, ut fides præstetur: hodie autem Jure Canonico suppletur, secundum quod ex quolibet pacto originatur actio c. 1. & 2. de pactis. Idem in foro seculari obtinet, ubi ex æquo, & bono, vel ex supra potestate judicatur, uti solent Curiae Summorum principum, Arbitrorum, mercatorum, ac similium Maranta part. 4. distinct. 9. num. 49. Imò generaliter usu receptum videtur, ut in reliquis Curiae quoque indistincte ex pactis nudis serio, & deliberatè initis civilis actio detur. Bald. & Salicet. in l. potens C. de pactis. & Iason. dicit esse communem in l. legitima 6. hoc tit. Quod valde consentaneum æquitati est. Cum enim ejusmodi pacta legitimè inita naturaliter, & in conscientia obligent, ratio exigit, ut serventur, & compellantur, qui

iniquè resistunt. Quem in finem boni Judices etiam in civili foro Canonum præcepta sequuntur. c. 1. & 2. & DD de no. op. nunciat. Quænam verò actio danda sit, VVesenbec. explicat loc. cit. Conditionem ex lege, vel potius Canone malim, qualis dari solet ex omnibus contractibus, qui nova aliqua lege, vel Canone vim consequuntur. Abb. in c. qualiter. de pactis. Tusclus Concl. 18.

VII. Quoniam pacta stricti juris sunt, ejusdem generis intellectum, & interpretationem exigunt, rejiciendo, quicquid non disertè verbis comprehensum, & expressum sit, secundum naturam, & conditionem omnium stricti juris contractuum. Excipe pacta, quæ bonæ fidei contractibus adhærent. Horum enim causæ interpretationem ex bono, & ex quo admittunt. l. Iurisgent. 7. §. adeò l. abemptione 59. b. t. Melon. l. cit. num. 35. Quamobrem nec ad alias res, nec alias personas nisi nominatim comprehensas extendi debent. l. si unus 27. §. pacta hoc tis illis enim qui non pepigerunt, neque nocent, neque prosunt. l. si actionem C. eod. intellige, nisi ex dispositione juris, aut verosimili partium conventione ad aliquem, qui pactus non est, extendantur. Sic interpretamur pactum procuratoris ad dominum, tutoris ad pupillum, magistratus ad civitatem, praefecti ad Collegium pertinere. l. item 14. hoc tit. l. preses C. de transact. Tusclus Concl. 10. ampliandum monens, ut neque ad hæredem, quod personale est, transeat, neque ad fidejussorem, quod cum debitore principali in itum est,